

## Was merr su babbeld

Heit sinn awwer vill Lastwaache unnerweeschs.  
Isch bleib aach uff de mittlerne Spur.  
Will der doo vorne eraus?  
Er hott de Blinker oo.  
Naa, doch nitt.  
Isch glaab, der hott de Blinker vergesse.  
Hannes, was issen die nächst Ausfahrt?  
Ei Niedernhause, dess iss noch e Stick.  
Awwer nimmi weit, odder?  
Naa, vier Kilometer villeischd.  
Fahr mol uff de recht Spur.  
Ei warum donn?  
In Niedernhause misse merr erunner.  
Iss was? Mussde mol in die Bisch?  
Naa, mir misse nochemol hoom?  
Wie, hoom?  
Isch habb was vergesse.  
Vergesse, ei was donn?  
Fahr bitte uff die recht Spur.  
Doo vorne rechts enaus?  
Ja, in Niedernhause. Unn donn fährtde reddur.

\*

Su, jetz bin isch widder Rischdung Heimat.  
Donkeschee.  
Ja donkeschee - du host doch was vergesse.  
Ja.  
Unn was? Dess Geburtsdaachsgeschenk?  
Naa. Dess lieht hinne uffem Sitz.  
Ei was donn sunnst?  
Isch habb die Kellerdier uffgelosse.  
Die Kellerdier uffgelosse?  
Ja, die Kellerdier nitt zugemacht.  
Isch habb dich extra gefroochd.  
Du host mich gefroochd?  
Ja. Hosde die Kellerdier zugemacht?  
Unn warum hosden du die nitt zugemacht?  
Weil isch onnern Sache ze due hadd.  
Was haddsten du ze due!  
Egal. Die Kellerdier zumache iss doi Sach.  
Ja. Awwer ess kann joo soi ...  
Was kann soi?  
Dass isch se doch zugemacht habb.  
Isch habb derr schunn immer gesaad ...  
Ei was donn?

Mach derrn Zeddel.  
Unn soll druffschreiwe: Kellerdier zumache?  
Unner onnerm, ja. Awwer mir hawwes joo.  
Was donn?  
Sprit verfahren weil die Fraa ...  
Heer merr uff!  
... die Kellerdier nitt zugemachd hott.  
Du mächst koo Fehler, gell.  
Doch, awwer su Fehler nitt.  
Su, jetz sinn merr doo. Isch geh enoi ins Haus.

\*

Unn? Wo warsden su long?  
Die Kellerdier war zu.  
Himmel noch emol. Unn mir fahrn doorum.  
Isch war merr halt nitt sicher.  
No ja, jetz wisse merrs. Awwer jetz ab.  
Ess nächsde Mol mächst du derr enn Zeddel  
Isch brauch koon Zeddel.  
Doch. Weil du host de Wasserschlauch voll  
uffgedrehd im Fischdeisch gelosse unn der iss  
schunn iwwegelaafe. Wenn merr heit Owend  
hoomkumme wärn, hädds Wasser im Keller  
gestonne.

Eiern Honnes